

Man TELCHID ou monté an filao.

Ou woulé pou krèyòl pran dibout a-y an lékòl Gwadeloup, mèsì.

Ou woulé pou fè zèlèv a-w vansé, mèsì.

An ka sonjé on jou, ou wouvè pòt a klas a-w é ou vwè onpakèt timoun 6zyèm douvan-w.

Menmsi yo tout pa té pou fè krèyòl, ou fè yo tout rantré. Ou èspliké nou pouki sa fondal pou on timoun gwadeloup sa li, maké é palé krèyòl, pouki i fo nou konnèt kilti an nou. Lè ou fin, ou di tou séla ki pa té pou fè krèyòl mé ki vlé aprann di fanmi a-yo alé vwè prensipal-la. On sèl pa viré aprann krèyòl èvè-w!

Mi ki mètlékòl ou té yé!

Avan maladi té pran lanmen, sé toujou èvè plézi ou té ka rété ka palé èvè zèlèv ki té pasé an lékòl a-w, menm lanné é lanné apré.

Tini dé mètlékòl ki ka maké lèsprì a zèlèv a-yo. Ou sé yonn adan yo, pon zèlèv a-w pé ké obliyé-w.

Man TELCHID, mèsì!

Eliane Siousarran, professeur de SVT